

ხელშეკრულება №რგმ/16-017
(მომსახურების შესყიდვის შესახებ CPV 71600000)

ქ. თბილისი

26 აპრილი 2016 წელი

ერთის მხრივ შპს "რელივეი ფროფერტი მენეჯმენტი" (საიდენტიფიკაციო კოდი 202460103), შემდგომში - "შემსყიდველი", წარმოდგენილი მისი გენერალური დირექტორის მოვალეობის შემსრულებლის კობა ლაცაბიძის სახით და მეორეს მხრივ შპს „ავტოტესტ გეორგია“ (ს/ნ 204903747), წარმოდგენილი მისი გენერალური დირექტორის ვაჟა იორდანიშვილის სახით, შემდგომში - "გამყიდველი", ორივე ერთად წოდებული, როგორც „მხარეები“, სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული "გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის" მე-2 მუხლის "ა" პუნქტის და საქართველოს მოქმედი კანონმდებლობის საფუძველზე ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

1.1 ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1 "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშვნები.

1.1.2 "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3 "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას (დაწესებულებას), რომელიც ახორციელებს შესყიდვას;

1.1.4 "მიმწოდებელი" ნიშნავს პირს, რომელიც აწვდის მომსახურებას სახელმწიფო შესყიდვის შესახებ მოცემული ხელშეკრულების ფარგლებში;

1.1.5 "დღე", "კვირა", "თვე" ნიშნავს კალენდარულ დღეს, კვირას, თვეს.

1.1.6 თუ ხელშეკრულებით გათვალისწინებული ვადის უკანასკნელი დღე ემთხვევა უქმე ან დასვენების დღეს, ვადის დამთავრების დღედ ჩათვლება მისი მომდევნო პირველი სამუშაო დღე.

2. ხელშეკრულების საგანი

2.1 ხელშეკრულების საგანია ავტოსატრანსპორტო საშუალების ტექნიკური მახასიათებლების დადგენა.

3. ხელშეკრულების ღირებულება და ანგარიშსწორების ფორმა

3.1 ხელშეკრულების საერთო ღირებულებაა არაუმეტეს 35 (ოცდათხუთმეტი) ლარი, დღგ-ს ჩათვლით.

3.2 ანგარიშსწორების ფორმა - უნაღდო ანგარიშსწორება.

3.3 ანგარიშსწორების ვადა - მომსახურების მიღება-ჩაბარებიდან და შესაბამისი საგადასახადო დოკუმენტაციის წარმოდგენიდან არაუმეტეს 5 (ხუთი) სამუშაო დღე.

3.4 ანგარიშსწორების განხორციელებისთვის მიმწოდებელმა უნდა წარმოადგინოს შესაბამისი საგადასახადო ანგარიშ-ფაქტურა.

4 მხარეთა ვალდებულებები

4.1 მიმწოდებელი ვალდებულია:

ა) უზრუნველყოს მომსახურების მიწოდება დადგენილი წესით;

ბ) მოახდინოს შემსყიდველის მიერ წუნდებული მომსახურების გამოსწორება;

გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

დ) ხელშეკრულებასთან დაკავშირებული ნებისმიერი მიმოწერა აწარმოოს წერილობით;

ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობებში ასახულ ვადებში და ფორმით.

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. შესყიდვის ობიექტის მიღება-ჩაბარების წესი

5.1 მიწოდებული მომსახურების მიღება-ჩაბარება ხორციელდება შემსყიდველის მხრიდან ინსპექტირების განმახორციელებელი პირების მონაწილეობით, მიღება-ჩაბარების აქტის გაფორმებით, სადაც მიეთითება მიწოდებული მომსახურების დასახელება, აღწერილობა და ფასი.

5.2 "მიწოდებელმა" მომსახურების მიწოდება უნდა განახორციელოს "შემსყიდველის" დაკვეთიდან 3 (სამი) სამუშაო დღის ვადაში.

5.3 ხელშეკრულების ადმინისტრატორად და მიღება-ჩაბარების აქტზე ხელის მომწერად განისაზღვროს შპს "რელივეი ფროფერტი მენეჯმენტის" ქონების ადმინისტრირების წამყვანი კოორდინატორი ნოდარ გურეშიძე, 591 400 320.

6. გარანტია

6.1 მომსახურების შემოწმების პროცესში, ხარვეზის აღმოჩენის შემთხვევაში, მიწოდებელი ვალდებულია აღნიშნული აღმოჩენის ხარვეზის არსებობის შესახებ შეტყობინების შემდგომ გონივრულ ვადაში (ხარვეზის არსებობის დამადასტურებელ დოკუმენტაციასთან ერთად) და აანაზღაუროს მომსახურების შემოწმების მიზნით შემსყიდველის მიერ დახარჯული თანხა.

7. ხელშეკრულების პირობების შეუსრულებლობა

7.1 თუ "მიწოდებელი" არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს, შემსყიდველი წერილობით აფრთხილებს მიწოდებელს დაიცვას ხელშეკრულების პირობები;

7.2 თუ "მიწოდებელი" გაფრთხილების ("შემსყიდველის" მიერ მითითებულ გონივრულ ვადაში) შემდეგაც არ ასრულებს ნაკისრ ვალდებულებებს, შემსყიდველს უფლება აქვს ცალმხრივად შეწყვიტოს ხელშეკრულების მოქმედება; ასევე დააკისროს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად;

7.3 შემსყიდველს უფლება აქვს ცალმხრივად შეწყვიტოს ხელშეკრულების მოქმედება აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრ ვალდებულებების შესრულებას;

ბ) მიწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში;

7.4 მხარეებს ხელშეკრულებით გათვალისწინებული ვადების დარღვევის შემთხვევაში დაეკისრებათ პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით;

7.5 საჯარიმო სანქციის გადახდა არ ათავისუფლებს მიწოდებელს ძირითადი ვალდებულებების შესრულებისაგან.

7.6 პირგასამტეხლოს გამოთვლისას არ გამოიანგარიშება ინსპექტირებისთვის გახარჯული დრო.

8. ხელშეკრულების მოქმედების ვადა

8.1 მომსახურების მიწოდების ვადა განისაზღვროს 2017 წლის 26 მაისამდე.

8.2 ხელშეკრულების მოქმედების ვადა განისაზღვრება 2017 წლის 26 ივნისამდე.

9. ფორს-მაჟორი

9.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

10. სადაო საკითხების გადაწყვეტა

10.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ერთობლივი მოლაპარაკების საფუძველზე.

10.2 თუ შემსყიდველი და მიმწოდებელი მოლაპარაკების დაწყებიდან 5 (ხუთი) კალენდარული დღის განმავლობაში ვერ მიაღწევნ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

11. სხვა პირობები

11.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

11.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

11.3 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი მიმწოდებელთან, ხოლო ორი ეგზემპლარი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

11.4 ხელშეკრულებაში ცვლილებების შეტანა შესაძლებელია მხარეთა მიერ წერილობითი შეთანხმების საფუძველზე, რაც წარმოადგენს ხელშეკრულების განუყოფელ ნაწილს.

12. მხარეთა იურიდიული მისამართები და რეკვიზიტები

შემსყიდველი:

შპს "რეილვეი ფროფერტი მენეჯმენტი"

ქ. თბილისი, თამარ მეფის გამზ. №15

ს/კ 202460103

ბანკი: სს „საქართველოს ბანკი“

ცენტრალური ფილიალი

ბანკის კოდი: BAGAGE22

ა/ა: GE54 BG00000003911568 00

ტელ.: (995 32)219 96 62;

(+995) 591 400 320

მიმწოდებელი:

შპს „ავტოტესტ გეორგია“

იურიდიული მისამართი: ქ. თბილისი,

რიგის ქ. N3/43, ბინა 29

იურიდ. მისამართი: ქ. თბილისი, აღმაშენებლის ხეივანი მე-11 კმ

ს/კ: 204903747

ბანკი: გორი სს „თი ბი სი ბანკი“

ცენტრალური ფილიალი

ა/ა: GE95 TB0677636020100001

ტელ.: 599 102 302

გენერალური დირექტორის
მოვალეობის შესრულებელი

კობა ლავაბიძე

გენერალური დირექტორი

ვაჟა ოირდანიშვილი

